

# VAI SÄÄNE OM ELO!

Aadu Birnbaum

OLÕS TAIVAN TÄHTI EGÄ KUUD  
PERIS PÜMMEN ÜLES LÕUDSE TIMÄ SUU  
KOS TUU KUU SAI OLLA SÄÄNDEL ÜÜL  
VÄLÄN SATAS, MÜRISTÄS JA VÄLKU LÜÜ

ANNIMI SÄÄL KÜÜNI NUKAN SUUD  
MIS TUU KELL JO OLL, VAI JUMMAL TIIDSE TUUD  
SILITI MA TEDÄ SIIST JA SÄÄLT  
KÕGE ENÄMP ÜTE PEHME KOTTA PÄÄLT

VAI-VAI-VAI-VAI  
VAI SÄÄNE OM ELO  
VAI-VAI-VAI-VAI  
MA TUUKÕRD TIIDÄ SAI  
VAI-VAI-VAI-VAI  
ÜTS VIKUR OM ELO  
VAI-VAI-VAI-VAI  
MA ELOST OPPUST SAI

AGA TÜTRIK OLLI HÕRK JA NUUR  
MUSO VÄRSKI NIGU RÕÕSA PIIMÄ KUUR  
OLLI LÄMMI NIGU LEEVÄPÄTS -  
SIS ÜTS VÄRRIN ÕKVA ÜLE IHO LÄTS

VAI-VAI-VAI-VAI...

TAHTSÕ ÄRÄ MINNÄ, KOS ES LASÕ TUU  
SAI VIIL PAHATSÕS, ES ANNA INÄP SUUD  
KOS MA TIIDSE, MIS TÄL PÄÄLE TUL  
OLLI ESI KA MA TUUKÕRD NUUR JA ULL

VAI-VAI-VAI-VAI...